



Inatsisartuni ilaasortaq
Doris Jakobsen
Siumut

Ilaasut Kangerlussuarmi akunnittarnerat pillugu Siumut sinnerlugu Inatsisartuni ilaasortap Doris Jakobsen-ip § 37.1 naapertorlugu apeqqutaanut allakkatigut akissut.

Siullermik Inatsisartuni ilaasortaq Doris Jacobsen apeqqutaa soqutiginarloq pillugu qutsavigerusuppara

Napparsimasut Kangerlussuaq aqqusaarnerani tiimerpassuit utaqqisinnaasartut ajornartorsiutigaat utaqqisarnermini innarfissaqaratillu eqqissisimaarfissaqartannginnerat, immikkut iliuuseqarfigineqarnissaannik Naalakkersuisut pilersaaruteqarpat?

Sumiluunniit peqqinnissakkut sullissisut killilimmik periarfissaqaraluaq, sapinngisartik tamaat napparsimasunut ikiuunniartarput, najukkamilu peqqinnissaqarfiit napparsimasut angalatillutik akunnittussat pillugit tamatigut ilisimatinneqartarput.

Peqqinnissaqarfimmi sulisut ilinniagaqassutsikkut piunasaqaatit qaffasissut tunuliaqutaralugit Kangerlussuarmi peqqissaasoqarfimmut saaffiginnittunik tapersuisarnerat nalinginnaasuvoq.

Napparsimasut akiutini angallanneqarlutik akunnittut ingerlaqqinnissamik tungaanut tamatigut – nalunaaqutaq apeqqutaatinnagu unitsinneqartarput. Napparsimasut allat akunnittut peqqissaasoqarfimmut saaffiginninnissaq tamatigut periarfissaraat. Napparsimasut peqqiillioortut misigisimasut isumagineqartarput peqqissaasoqarfiullu nakkutilliviani qasuersaarnissamut neqeroorfigineqartarput apeqqutissaqarpatalu akiniarneqartarlutik.

Kingusinaarnermi napparsimasut tamarmik nerinermut akiliutissaminnik bilitsinik tunineqartarput.

Kangerlussuarmi peqqissaasoqarfimmi napparsimasunut akunnittunut tamanut qasuerserfissamik aaqqusuussinissaq periarfissaqanngilaq.

Pitsanngorsaasoqarsinnaaneranut periarfissaqarnerloq paasiniallugu Peqqissutsimut Attaveqarnermullu Naalakkersuisoqarfiup Kangerlussuarmi napparsimasut akunnittarnerannut tunngasoq Peqqinnissaqarfimmi qullersaasunut Mittarfeqarfimmullu saqummiutissavaa.

Inussiamersumik inuulluaqqusillunga


For Steen Lyngé

24-07-2014
Suliap nr. 2014-102093
All. nr. 1645276

Postboks 1160
Tlf: 34 50 00
Fax: 34 55 05
3900 Nuuk
Email: pan@nanoq.gl
www.naalakkersuisut.gl